

澹

靜

齋

詩

鈔

敘

海內言詩者徧陬隘而卒無所得余宦遊再至甘始聞廉訪姬雪門先生及平涼明府龔海峯先後俱以能詩名然簿書倥偬其所爲詩竟亦未能遽睹尋嶽黃河插天湧地之奇日在人耳目終以風塵邂逅寤寐懷想不能決然捨去爲之悵悵者久之於後雪門詩刻出乃得海峯與所爲書其論雪門之詩曰較之近日有體格而無性情有韻致而無意味者何嘗霄壤之別吁此正海峯之汲於爲詩也海峯足跡遍五嶽其於天地風雷叱咤山川嶙峋奔吼與夫帝王歌臺戰壘文人逸客墨池

釣址寫鶴啼猿名花馥卉百變不窮之態皆其少年巧思妙運豪材傑構至於詩書忠孝禮樂文章醞釀於胸懷吞吐於喉舌不可以聲色擬議求者則又由壯將老之所得而要必於其詩焉發之辭必高然後爲奇意必澁然後爲工旨必遠然後爲醇氣必真然後爲清然總不越其與雪門所爲書二語有德者必有言若海峯之爲詩其幾於道矣乎惜乎雪門死矣觀其鑱刻萬物而終之以淘汰豈亦人之所常能哉而不獲享大年主騷壇振興後進此則余與海峯爲詩者之命之窮也海峯以其自爲集示且囑余訂正焉湘潭張世瀾敘

跋

詩以道性情性情一也昔人論古詩十九曰情真景真而不言性謂真處卽性離性無所爲情而景亦復何可道耶詩學失真傳情刻景雕琢風月縱使諸音協律傳白施丹其何與於性情哉適以戕之而已夫詩者性情之事也性情不可言事無事則且滅寂故人必有事於性情也而治之莫善於學詩興觀羣怨事父事君皆學者性情中切要之事詩之訓明矣海峯先生以歐陽子之性情具蘇長公之風力其爲文詞恣肆豪邁而歸於純篤製有澹靜齋詩鈔不事矯揉雕飾性真激發衝口

成章諸體畢備正如老僧伐鼓撞鐘欲使天龍醒寢蓋其敦行好修學純守正故發之於詩者藹乎孝子悌弟義夫順婦之容倜倜乎忠臣信友之概而騷人思婦幽致柔情不以撓其闊達爽直之胸此真名士風流丈夫意氣浚於性情之事而非徒以素絲黃絹較其工拙者也先生之詩曰天下文章在五倫夫五倫之事何一不由性情覽是集者能於性情求先生之爲人而得先生所學之爲何事則可以言詩矣乾隆歲次戊申三月下浣九龍山樵秦金門耐巖氏謹跋

渤海當年治亂繩語文孫雄畧更飛騰風清春隴歡

牽犢以上並龔遂治盜霜厲秋霄怒擊鷹餘事何嫌爲

小技置身本在最高層文章原小技少薄詩人近學吟並集中句可憐白髮

嚴詩律亦集惹得人人說少陵獨霸詞壇跌宕雄不

知前代有林鴻詩名明初雕鐫萬類愁真宰兀傲千秋

號國工草罷軍書詩跳出集中句草罷軍書燈未吟攬

檐漏韻飄空時方嘔心多少清新句惆悵蛛絲鼠跡中

集中乾坤撐拄倚吾儕衣鉢真傳淡靜齋夫與先生

深討論暗指題金文甫詩一首要憑後學細編排蔣伯生淋漓元

氣歸詩卷慷慨高歌動客懷猶記金鰲峯下侍爐香一

辦爲梅崖

先生受業師

生遲恨未識須麋雛鳳周旋舊德

追

嗣君同官河工因悉遺事

文到通靈驅雹恠

淺淺子事

計成清野靖烽

陘

建堅壁清野議逆匪遂平

吐虹世共驚才大展驥吾終惜位卑不

論經猷論著述行閒珠照尚纍纍

敬題淡靜齋詩鈔四律

錫山後學鄒鳴鶴未定草

乙未春余被

命習河事於東河巡工至睢州識龔君雲疇以修防事相質問所言洞中窾要遂心儀其爲人自後屢相過從備聞尊甫海峯先生文章政事卓卓可傳旣得讀澹靜齋全集其詩原本性情不事藻飾而忠孝慈愛之意時流露於翰墨閒其爲文博綜經史實事求是務爲有用之學料事之明徹處事之沈摯足爲居官行政者圭臬去歲雲疇以鏤版遠在閩中不能多致因再鏤刻以廣其傳夫人先世有德業而能揚其清芬承其世澤甚美事也雲疇其黽勉從公以大展先生未抒之抱負則是



集卽作君家治譜也可道光庚子孟陬東吳徐經跋於  
任城運河道官廨

澹靜齋詩鈔目錄

閩中 海峯 龔景瀚

第一卷

少章

讀文文山先生傳

咏史

峽口

採蓮曲

金大文甫以詩草索敘爲題其後

登鼓山半嶺亭望閩中形勝

水晶宮懷古

送林八長實之安徽二首

偶作二首

釣龍臺

遊草

大麥溪

天意

未知

延平懷古

懷林二子宣

建溪灘石歌

寄內

高陽弔孫文正公

謁楊椒山先生祠

張桓侯故里

題盧蓮麓霞浦山水圖

林育萬于宣長寶梁斯志斯明斯儀招飲寓齋醉

後戲作

出都門畱別育萬于宣長寶梁氏兄弟二首

涿州張桓侯祠

祈雨祠

賽神祠

雨後元城啓行

秋風

客有談西湖之勝而動鄉思者作此示之

女弟蕙殤七年矣今冬綸城許君寵爲代立墓碣  
搨本見寄閱之不禁潛然輒復抒寫哀情長歌

當哭

寄兄弟

除夕

侍家 大人至密雲作 有敘

卧龍岡懷諸葛忠武侯

襄陽道中

宜城道中

所見

石橋驛四鼓山行

惟苞二兄奉家 母由長江赴桂陽聞將取道洞庭乃浮湘水至鎮遠作此寄之

觀漁

重陽

沅江石歌

烏龍箐至黃土坡

舟夜

沅江之岸有山削立狀特怪偉未知何名也爲詩

紀之

南昌襍感六首

鄱陽湖

彭澤懷陶靖節

安慶謁余忠宣公墓

除夕

過定遠有懷明初諸功臣因思漢高能留平勃以  
安劉氏而明祖於胡藍之獄股肱盡矣北平兵  
起悔之何及

袁孟勤先生 先大夫官虞城時所賓禮者也爲  
賦高士行今先生墓木已拱而 先大夫亦棄  
不孝逝矣甲午過虞令嗣心箴以先生遺像索  
題展卷泣然書此

李司隸墓

許昌懷古

卧龍岡謁忠武侯祠



襄陽祿詩二首

自漢江泛小河至隄口

舟過洞庭風力甚勁遂抵武昌登黃鶴樓

雪後

第二卷

雙驂亭草

寄懷滇南遲持齋先生

送允振七姪入滇

延陵篇爲節孝李母作

送鄭二存敦之漳南二首

題某小照

壽學使吉渭崖太僕

孟考功瓶菴招同曉樓樾亭醇叔三林君小集固  
菴各和東坡先生岐亭詩余以事未與考功末  
章謬相推許且邀余和作此應之久疎筆硯以  
此續諸君之後愧可知也五首

集樾亭齋卽事用孟考功瓶菴見示新詩韻二首  
亦園亭白桃花疊前韻應瓶菴命二首

考僞闕永隆石塔碑記畢題其後疊前韻二首  
醉中放言寄林樾亭疊前韻二首

宿何述善齋晨雨未歸遍觀書畫因得見宋文文

山先生所藏琴述善爲鼓數曲疊前韻二首

作詩未竟室人來告薪米絕矣戲拈二律示之疊

前韻二首

樾亭答詩語及香海讀之悵然有作疊前韻二首

呈瓶菴兼簡令嗣景明疊前韻二首

奉酬瓶菴見答之作疊前韻二首

集井上草堂瓶菴以事先返同樾亭憲光介堂昆

弟夜飲醉歸成三詩呈諸君子并乞和章

文信國古琴歌次林樾亭韻

有敘

去歲得心虛肝弦之疾陳君卓爲謂勞思所致宜  
屏筆墨以養真氣今春稍瘳而結習未除疾輒  
間作君爲製方兼惠良藥賦詩三章誌謝用前  
集井上草堂韻

第三卷

棲鳳草

洛陽橋

夜雨有懷小范家兄觸緒紛紜遂至滿紙四首  
卽事

五月初十夜月

衡齋讌集卽事簡吳明府

花栽爲草所蔽呼童去之口占對草

階前栽菊數本連日大雨水漬將萎矣哀其美才  
未成而驟遭毀折也作

題吳玉堂芙蓉臺詩鈔後二首

寄林大樾亭並懷都中下第諸子二首

贈學博陳翁蔚園

寄呈家慈

永定秋夜襍作廿首次工部秦州襍詩韻

憶昔懷人復得廿首疊前韻

夜雨

晴

二老詩一首 有敘

夜大風雨

秋日自錄近作竟題其後

秋花

昔日

秋望

顧旭初少府惠魚及米中秋夕復招飲衙齋作  
二首  
九日同陳蔚圃廣文登沙汀閣還至顧旭初少府

衙齋觀菊花作二首

重陽後五日集陳蔚圃齋中觀菊二首

留別陳蔚圃顧旭初吳玉堂疊前重陽韻二首

留別院中諸生疊前韻二首

疊前韻重別吳玉堂二首

雙驂亭後草

宣和御鷹歌

雙驂亭雪景圖一幅文衡山先生手跡也見者極

爲欣賞因題其上

雙驂亭小集壽朋賦長歌依韻和之

鄭有美移居全壽朋作壘前韻

亭中草木襟興四首

讀于宣遺詩壘前韻

襟題畫冊六首

李忠定公松風堂故址

觀僞閩石塔碑刻

同人公餞朱笥河先生於張氏園亭應教分賦

題何述雅較獵圖三首

小園見蝴蝶感而有作四首

題林大字小影



第四卷

小草

灘舟晚泊

嚴介溪讀書處

三月十六夜舟中寄內

安陸懷古

題林懋文囊琴小照

又代題用前韻

以公事至張恩堡寓孫氏園中主人頗不俗綠陰  
繞舍黃花盈砌中衛未有之勝境也終年風塵

中得此心目豁然因成兩律

夜宿孫氏園

東齋襍咏二十二首

有敘

東齋襍咏同人各有和章卽景紀事綜爲長歌書

於卷末

東齋坐月

晚睡坪北望

七夕和小范大兄韻

覆水行

留別中衛士民二首

贈張錦泉

留別靖遠士民

雨後過彈箏峽

自瓦亭至平涼道中

雨過六盤抵隆德

大雪下青嵐山

東岡坡望蘭州城

靜甯回至平涼道中

六盤山口號

西鞏諸驛連讀壁間作皆清新可誦重題兩絕

雪過車道嶺

甘草店病中寄內

昭君詞

送施雲在告養歸里

祀竈

去臘蘭州病中送別雲在未盡所言茲留平涼月  
餘始歸因疊前韻四首重贈並酬見答之作四  
首

內人卧病時方以公事至固原作此寄之

送別李次山 林廣文調任昌吉四首

崆峒山北臺

絕頂香山寺

自崆峒山歸聞城隍廟牡丹盛開急不能待乘月  
觀之口占二首

紀二書雲月夜邀看牡丹卽席作四首

徐少府容軒將赴綏來寄示玩月撫琴小照讀自  
題詩悲其志作此應之二首

題王騰夫荷笠持經小照

琴亭尉署中芍藥盛開時史少府奉檄外出

送別朱參軍調任吉木薩縣佐

白水驛夜與程斗珠話別

會甯遇廉使姬雪門先生之喪哭成四律

偶感

靜甯至隆德

六盤山

第五卷

思存草

紀園觀花二首

雨後見新柳

安國鎮夜雨不寤

送陶少府衛文調任玉門次周魯瞻韻二首

夏夜

衛文將行鄧南村爲寫疎林遠岫便面重題志別

二首

六月十二夜月時將以次日赴蘭州

平涼新樂府四首

有敘

淺淺子紀事

悼亡詩二十八首

有敘

彈箏峽遇大風雨

過六盤山紀事

抵隆德某明府以近作聞雷詩見示喜而賦贈二  
首

靜甯上峽口

界石鋪至青家驛

巉口十里遇雨

雨宿鉅鈎驛

題王騰夫羅浮採藥圖

鉅鈎驛阻雨寄懷小范家兄

寄示諸兒女

集放翁句二首



集香山句二首

雨後

山雞

出蘭州

抵署

七夕用王騰夫韻

中秋

送黃廉標表第回閩兼柬令姪惟占

喜聞張生紹學領解作示邱范諸子

抵崇信縣署二首

崇信歸途遇大風雪

重陽和小范家兄韻

菊花

次韻答夢亭明府張鶴泉見寄之作

鶴泉再東用昌黎贈崔立之韻次韻奉酬

良玉

送別小范大兄北上二首

小范大兄行有日矣追憶四十年盛衰聚散之感  
不禁慨然重作五言長句一百韻誌吾兩人行  
蹤并示子姪令其無忘艱難也

小范北上寄懷到三八弟疊前送別韻二首

張同溪示所作都中見懷詩次韻奉答

送別張遜甫公車北上

送張同溪還中衛疊前韻

涇州重別小范家兄

第六卷

庚戌以後草

新歲吟次江左許更齋韻五首

正月六日安國鎮道中

燈夜過訪張鶴泉承惠新詩次韻賦謝二首

王母山次張鶴泉韻

鶴泉寓居東郭間隔壁書聲喜而作詩見示推功於余愧何敢當今蓉莊太守留鶴泉主柳湖書院文教之興此其徵乎次韻奉柬

張肇倩少君以詩乞水仙花次韻柬贈

疊前韻答鶴泉代其令嗣謝水仙花之作

王騰夫以新開水仙花見惠疊前韻賦謝

鶴泉復有詩來意欲此花作詩拒之疊前韻

鶴泉和章謂獨處之際此花正宜留伴清幽時值

張孺人周忌也閱之悵然有作疊前韻

二月十七日試士鶴泉用東坡飲清虛堂韻長句

見贈依韻賦答

周魯瞻昆仲入都 廷試許更齋作轡三二韻詩

送之蓋祝其速仕也然讀書養親魯瞻志也余  
知之久者因次韻別作二首贈別

寄酬同年李劒溪太史疊前送小范家兄韻二首  
劒溪復有詩來備述近况蓋苦貧也再疊前韻慰  
之二首

春草用袁簡齋韻同張鶴泉許更齋作

題松厓吳丈看花圖二首

題張孺人畫像

劉家井至打喇池道中二首

題晉鹿畫扇二首

畱別平涼士民二首

鴻門阪

鴻門重題

新豐

驪山祿豚五首

萼陰嶽府望萼山

豫讓橋

有敘

文中子故里

祀雞臺

次壽賜驛讀壁間昌黎公詩畱題數語

芹泉鎮至張井二首

橋頭村

題涂曉村強恕圖小照

有發

甘樾驛寄懷小范家兄二首

過郭隗故里

故關

題秦侍讀小峴橫山丙舍圖

平劍溪侍讀以詩索狐裘行篋無佳者解所服敝裘贈之次韻奉柬

題梁九山太史萬梅書屋圖

題陳給諫劍城望耕圖三首

臨洛關

赴循化道中

小積石山

喜見梅花

義田歌

壽秦蓉莊先生



和吳海宴山長種栢次韻二首

出北門至桺湖

兒輩欲至崕峒詩以示之三首

吳海晏周竹坡在崕峒以詩相招作此答之二首  
王芥亭二兄在姚雪門先生幕垂三十年是圖先生所命意也未及題識而先生棄世矣芥亭出此示人言及輒潸然潯下余於先生亦有知己之感者也爲書三絕

題趙琴軒小照

蚤起

感事

哭副總戎韓公二首

目大成砦至羅江日二首

羅江口至達州

過豐城場

題曹雲瀾

麟開

刺史西域圖咏

題曹雲瀾賜環楚遊二集四首

良馬歎

題周講堂秋林返轡圖二首

樊城啓行

三橋鎮

咏墨牡丹

題姜星六廉訪小照

題小范大兄木末草堂圖二首

樂君二姪學書不成棄而學賈去冬來蘭州今返  
江西次小范兄韻作詩二首送之行並呈小范  
大兄

小范大兄來書索木末草堂詩五年於茲矣前歲  
江口軍營匆匆草兩律寄去未及自書也樂君  
姪來口述兄意必欲得手跡今日稍暇乃操翰

爲書一通寄廬陵陳少府將去字畫惡劣不足  
觀聊畱鴻爪以示子孫耳時嘉慶壬戌正月十  
九日 先大夫忌日也書畢復得五言一首併  
題於後

題陳封溪小照

和小峴先生見懷詩二首

九日登皋蘭山作

贈友人之洛陽

雪毬花

澹靜齋詩鈔卷之一

閩中 海峯

少草

讀文文山先生傳

嶺海崎嶇建義旗王圖反正竟何時小樓長此三年志  
大厦猶將一木支渺渺魂歸柴市月蕭蕭霜冷薊門祠  
西臺饒有臨風淚不哭先生更哭誰

咏史

牟駝岡上雲壓巖流血宮庭成海水過江一馬化爲龍  
獻公九子惟重耳襄陽建康棄不都斗大臨安入釜底

遺民日夜望旌旗君王但醉湖山裏  
斬王歸第鄂王死未報大讎殺壯士  
區區一檣亦何能臣構當時志如此

峽口

一派銀濤萬騎奔迷茫天氣欲黃昏  
扁舟直指羅星塔杳杳青天是海門

採蓮曲

郎身如蓮梗妾身如蓮絲蓮梗飄零去  
蓮絲無斷時欲採蓮子心先採蓮花葉  
長似葉團圓不惜心苦絕

金大文甫以詩草索序爲題其後

吾黨金生骨相奇厖脣大口腹饒而疎  
狂到處被笑罵

磊落未肯受羈維去冬走馬長安道聲名藉藉喧京師  
霜蹄一蹶賦歸去開篋示我途中詩皎如新月舒皓魄  
媚如春草秀萼滋斯世今無皇甫謐佛頭著糞良足嗤  
請爲長歌陳梗概調言或可解君頤古詩三百風雅頌  
上哉僂乎不可追五言淵源溯蘇李陶鎔萬類如鑪錘  
孟堅平子相繼起角立未辨誰雄雌建安七子皆卓犖  
包羅衆作惟陳思太沖明遠亦健者潘陸謝顏流始岐  
就中吾愛陶彭澤精金美玉無瑕疵布帛菽粟好者衆  
渾然元氣入肝脾梁陳以來尙綺麗此道不絕眞如絲  
唐初餘習猶波靡王楊盧駱名當時子昂崛起曲江繼

壁壘乃復新旌旗天地精萼鬱必洩篤生李杜爲扶持  
天馬行空脫羈勒蛟龍得水騰躩踞黃鐘大呂異凡響  
煌煌復見漢官儀譬如羲和駕日月照臨下土驅魑魅  
又如山河分兩戒支撐南北無偏陂自後詩人相祖述  
奉持不異矩與規昌黎樂天元和體後起亦足分一麾  
義山晚出獨學杜雖無神骨猶存皮北宋蘇黃南宋陸  
聲情豪宕詞淋漓金元之間少作者遺山道園世所推  
有明詩人志復古堂堂高啓與劉基李何出而鳴其盛  
王李起而扶其衰 國朝三家峙江左草昧尙借異代  
資北僂阮亭南竹垞巍然相映斗與箕蒞裳愚山當一



面崛強不肯居偏裨嗚呼元音在天地千秋萬古常如  
斯性情未嘗今古異非今是古亦何居讀書萬卷行萬  
里下筆乃與古人期邇來詞壇少宗匠豎子碌碌矜毛  
錐冶容塗澤取媚悅奄然無氣如居屍後生識見苦不  
卓紛華悅眼爲所欺扣槃捫燭相追逐誰階之厲乃爾  
爲君才高足攀屈宋與彼何啻相倍蓰清平奇古從吾  
好風雲月露非所宜先民大雅不可作五百年來文在  
茲掃除淫哇續正響瀚也不敏君勉之

登鼓山半嶺亭望閩中形勝

石磴千八百鳥道入雲盤長枝蔽天日松柏青丸丸舉

步蒼烟破到面山風寒蕭條衆壑響天外落飛湍小亭  
試一眄曠然眼界寬三江澄素練疾走靜無瀾閩都十  
萬戶鬱鬱如龍蟠雄圖控山海轉輸走諸番嗚呼宋明  
末草創亦已艱在德不在險喟然起長歎

水晶宮懷古

潮水來巖頭沒潮水去矢口出堂堂忠懿生光州一劍  
長驅下閩越一時士族盡浮光詔拜瑯琊異姓王闕下  
青泥齊十國軍中白馬避三郎丈夫得志須行樂日選  
青娥入翠箔水晶宮殿敞千門十步一樓五步閣樓閣  
層層麗彩甍天邊簫鼓月中笙千重錦障山三面十里

荷花水半城玉佩金貂倚嬌面前金鳳兮後春鷺金屋  
何曾貯阿嬌秋風又見悲紈扇大窠山前春復秋青山  
如黛水如油但看陌上飛黃葉不見湖中鬪彩舟浮雲  
過眼須臾散不獨故宮腸欲斷寢園秘器今如何傷心  
玉帶玻璃碗

送林八長實之安徽

天寒風雪重遊子欲何之念我同門友宴樂無間時征  
衣纔四出我心悄以悲君歸未浹歲此行復奚爲大江  
日夜流浮雲東西飛須臾忽改變後會安可知念之摧  
肺肝徘徊立路岐

相思不相見各在天一方引領望鴻雁渺渺我心傷  
聞遠行樂不如歸故鄉青山高崔嵬河水深無梁下馬  
還四顧道路阻且長何如飲美酒歡樂殊未央良朋卽  
棄置白髮在高堂

偶作

今人不見古人不見今可以通今古賴此徑寸心詩  
書雖萬卷涉獵非所矜所貴在有得悠然會高深脫略  
或不解得意時復吟君看知音者乃在無絃琴

卧龍隱南陽抱膝時長吟文正作秀才天下爲已任古  
人伏蓬華憂樂願已淩及其登青雲亦不負山林腐儒

抱遺冊汨汨俗浮沈未知天地大甯識聖賢心所學非  
所用惜哉徒書淫

釣龍臺

茫茫馬江水鬱鬱越王臺雲物長如此英雄安在哉甯  
知千載後復有我曹來日落溪林響高歌答暮哀

遊草

大麥溪

大麥溪連小麥溪青山兩岸聽猿啼扁舟一葉緣何事  
水自東流我向西

天意

天意欲作雪濃雲凍不開時兼幾點雨遠映數枝梅響  
入孤舟隱寒隨薄暝來敝袍春不暖相對且持杯

未知

未知天地大闕踏一舟間盡日都無事相看惟有山草  
枯悲歲晚水急覺鷗閒忽見南飛雁翩躚羨汝還

延平懷古

青山蹀躞從西來延平之城當其隈危巖萬仞飛雉堞  
高樓傑閣橫江開大江日夜水東注逆浪搏將山影去  
峯迴舟轉不見城雙塔亭亭鎖歸路建瓴勢扼八閩吭  
此地竊曰非巖疆壯哉當年陳將軍百死不肯歸高皇

吾聞有元當季年兵戈滿眼妖氛纏鹽徙走卒皆起事  
平原白骨生烽烟皇覺寺僧出淮右五載羣雄同授首  
將軍若使從中原中山開平安足論甯爲雞口勿牛後  
丈夫固當自不朽不然亦作元遺臣豈能俯首事他人  
湯公誅死廖公反將軍若降亦不免扣舷我爲將軍歌  
江聲浩浩悲風多青山綠水仍無恙孝陵松柏今如何

懷林二千宣

吾友二三子于宣世莫儔建安詩氣骨典午士風流君

自偁雙壁

于宣與其兄育萬皆有文名

吾當讓一頭斯人不可見風

雪入孤舟

建溪灘石歌

建溪之水源漁梁奔騰澎湃千里強當其平流寂不動  
玻璃萬頃凝清光忽爾喧飀風雨集怪石嵯岈水中立  
礧礧礧礧怒相摩鰲作鯨吞恣呼吸大者如屋如車輪  
崢嶸突兀高於人小者如錢如鵝卵衆星錯落羅秋旻  
蜿蜒者蛇蹲者虎卧者牛羊伏者鼠老鴉飛翔蛟龍舞  
菩薩低眉羅漢怒皆諸灘名障水不流流轉急中怒特高橫  
欲溢乍從水底起飛雷倒走青山翻白日逆浪搏舟舟  
爲欹浪珠跳入衣淋漓榜人躑躅行人悲吾今此去將  
何之石乎汝何不生城市間匠人疊汝成圖巒園林錯



落看位置賓客贊歎稱奇觀乃向江中阻行路牙錯根  
盤計滾固冥頑既不解人言安得仙人鞭之去吾今從  
此與汝辭肩輿襆被周道馳高山大岸俯視汝汝威汝  
勢將奚施

寄內

栖栖人北上滾滾水東流愁意與之滿隨波到福州閨  
人在空閣日暮起離憂試酌江中水應知滾淺愁

高陽弔孫文正公

幅巾歸第尙何言不死關門死里門一十九人同日盡  
百千萬劫此君存生前事業非天意死後聲名亦主恩

幕府豈無天下士西臺何處哭忠魂

謁楊椒山先生祠

金冠玉佩何春容椒山先生坐當中階前跪伏者誰子  
有明嘉靖丞相嵩千年萬年請看此先生之官員外耳  
黃金橫帶汝勿喜

張桓侯故里

天生劉豫州赤手扶炎劉誰與左右者矯矯張桓侯桓  
侯猛如虎起擲屠刀舞談笑彼何人孫曹皆糞土惜哉  
事不成空畱千載名至今涿水上嗚咽餘恨聲我來過  
故里颯颯英風起髣髴見鬚眉將軍猶未死

題盧蓮麓霞浦山水圖

代盧霞浦人

盧生卓犖今詞伯日看青山岸長幘忽然潑墨氣淋漓  
萬里雲烟起咫尺開拳視我風雨冥生氣凝結無丹青  
模糊雲樹不可辨但覺松泉戛響聲泠泠吾聞南宗北  
宗畱畫訣大癡道人尤妙絕粉本流傳數百年祇今作  
者誰僂傑千巖萬壑羅心胸手之所至如化工當其落  
紙風雨疾乃與天地開鴻濛君才自足追古人下筆颼  
颼如有神胡不作五嶽峻嶒起天末疊障層巒競秀拔  
又不寫瞿塘灩澦水生時魚龍百怪相奔馳尺素僅能  
貯邱壑素練風開烟漠漠武陵溪水非人間一葉扁舟

何處著知君亦復愛吾廬乘興聊爲故里圖紅塵滾滾  
長安道不如歸去林園好觀君此圖心感傷令我低頭  
思故鄉故鄉亦有佳山水一別於今九年矣

林育萬于宣長實梁斯志斯明斯儀招飲寓齋醉  
後戲作

麻鞋足繭忝千里對策金門獻天子有司黜汝曰不  
才何不早賦歸去來歸去有田亦有屋屋後琅玕千箇  
竹插架況有萬卷書開函抽帙晴窗虛千朶萬朶檻邊  
花三寸二寸池中魚烹魚賞花酌美酒折柬呼童邀衆  
友拍手高歌論古今浮雲富貴吾何有家在閩南身在

北今日欲歸歸不得相逢盡道歸去早歸早何如不來  
好歲復歲兮令人老可憐來往長安道

出都門留別育萬千宣長實梁氏兄弟

人生重別離況在他鄉別執手春明門肝腸痛欲絕爾  
我同飄蓬南北分轅轍會合復何期徘徊不忍訣俯看  
階上花仰視天中月花落行復開月明圓又缺各保千  
金軀相期在黃髮

我行君未行君歸我未歸君歸登我堂僮僕驚光輝見  
我兄與弟呼我五歲兒細問我行蹤刺刺無休時  
闌憐少子北望淚眼滋莫道我心苦但道我身肥君見

同門友爲我道相思相思不相見兩地心同悲心悲從  
惻惻太息何終極去去無復言極目雲沙黑

涿州張桓侯祠

涿州城南黃沙飛千雨萬雨征車馳道旁周桓何逶迤  
行人爭上桓侯祠君不見時移勢改滄桑變此地猶名  
忠義店

祈雨詞

吹金螺擊田鼓男巫歌女巫舞迎龍王祈甘雨其雨其  
雨日杲杲土垆田乾傷禾稻女巫執鞭鞭龍龍乖龍鬚  
鬚雙目瞽帝閭迢遞不知處稽首焚香對神語惟民之

命屬諸神神不爲令當爲民令也不德宜臯令勿以一  
令輕民命吉凶禍福神所司或臧或否神監之民有天  
災神不恤是曠其官臯當黜再拜稽首祝神畢神像泚  
泚汗欲出乃召風伯策雨師雲興雨霑雷電馳決江河  
下震霽萬民歡四野足來賽神唱新曲

### 賽神詞

几筵設簫鼓陳羶羊擔酒來賽神令拜於前民拜於後  
來格來歆以妥以侑霖雨濛濛百穀芃芃匪令之功惟  
神之聰百穀既熟我蕃我育惟神之聰惟 天子之福  
令受 天子命以撫安百姓惟神贊其功乃享萬年慶

具禾黍列樽俎迎神來送神去神之來兮騎如雲環珮  
響兮香細縕神之去兮建雲旂霓爲旌兮翠爲蓋迎神  
送神神旣醉佑我民人千萬歲

雪後元城啓行

昨夜朔風捲飛雪平原莽莽無車轍僕夫僵卧馬不前  
十步九步車輪折霜威惻惻入骨寒重裘猶覺衣裳單  
少年不信出門苦今日方知行路難行路難君勿怨明  
年禾黍熟如雲更祝天公滋數計

秋風

秋風被林木落葉紛離披豈無堅貞志力弱難自持立



身苦不早萬事皆如斯君當二三月亦念歲寒時

客有談西湖之勝而動鄉思者作此示之

明月皎皎麗東隅有客夜坐談西湖西湖之景天下無  
魂飛不到徒嗟吁風流曾聞白刺史好事東坡復繼起  
六橋烟柳兩堤花遂把西湖作西子我曾遊展兩盤桓  
一日走遍湖中山雲烟過眼不記憶但覺湖光山色恁  
悅心胸間讀書貴能解大意看水看山知一致吳儂生  
死湖山中何曾領畧湖山味月在青天酒在壺眼前何  
必非西湖請君勿復寢吳越有酒不飲負此月

女第薦塲七年矣今冬綸城許君寵爲代立墓碣

搗本見寄閱之不禁潸然輒復抒寫哀情長歌

當哭

童童庭中樹綿綿樹上枝狂風數摧折葉落枝已稀

余同

存者三百枝葉本同根體傷心爲悲汝雖未成人骨肉

豈有岐吾母昔得汝困頓勢方危三日就牀蓐倉皇

走巫醫及夫汝生日乃值母誕期

女弟與吾母同誕日

一家慶

更生歡笑相抱持汝面若滿月汝膚若凝脂皆云好頭

角惜哉不男兒汝稍能言語慧性解色絲蘄然羣童中

婉孌有餘姿吾年雖稍長亦復同汝嬉帕首捉迷藏攬

襟盤長蛇奮臂逐蟲鳥喧拳爭栗梨歡呼祖母旁時

時爲解頤吾 母性勤儉補綴裙與帷汝旁奉刀尺指  
使無或違私戲學女紅顛倒投梭機偶復繡花草花葉  
相傾欹汝姐擲揄汝汝顏不忸怩吾 父昔嬰疾性烈  
如炎曦造次遭譴訶踉蹌無敢窺汝常侍 父旁淡語  
排解之能使愁容喜頓見 嚴顏慈飲食惟汝甘起居  
惟汝宜時抱汝膝上汝戲捋其髭有如掌上珠出入必  
攜提服汝男子服冠帶佩逶迤笑指謂座客宦囊惟在  
茲遲陰堂畔柳斗瀾亭下池遲陰堂爲先大夫退食處其南爲斗瀾亭下臨方  
池汝往來其間疎月淡雙睂癸未吾南返汝淚汪汪滋  
吾言相見近努力事 庭闈牽衣爲拭淚汝心有餘思

甯知此分訣遂爲長別離歸來得汝信恍惚信復疑悲

傷摧肺腑淚落如縷縻

余四月抵閩女弟於臘月以痘殤於署

欲爲哭汝

文哽咽不能詞竭來七年事汝靈或有知 高堂雙白

髮膝前已含飴所嗟齒牙脫幸未精力疲汝應喜其健

汝應慮其衰汝孝不侍養汝知終奚裨今吾侍吾 父

宦遊來京畿明年吾 母來一家樂怡怡汝姪已能步

汝第歲方彌開眼諸人在汝獨無見時汝生隆慮山

女弟

生於林

汝死黃河湄

殤於虞城

汝家在南土汝墓畱西陂

葬於

虞城西郊

汝饑誰汝食汝寒誰汝衣熒熒孤魂處哀哀

雙淚垂茫茫一坏土短短三尺碑千秋復百年知復汝

爲誰吾將使巫陽招汝魂來歸汝魂爲我影形動影必  
隨與汝結來生哭咏蘇公詩

寄兄弟

已報春光次第來荒城未見一枝梅雙驂亭上吾遊處  
牆角池邊幾樹開

除夕

孤燈度遙夕令節有鄉心鹵莽成何事蹉跎遂至今關  
山千里隔風雪五更深重撥爐灰冷蕭蕭擁絮吟

侍家 大人至密雲作

大人病中奉檄赴密雲修道以疾辭上官不允

時秋雨連月諸水湧漲上霖下潦經涉危險者  
屢矣凡四十餘日始歸而病亦大愈旣以自幸  
亦自傷也

平田活活雨滂沱王事驅馳奈病何有子未能供菽水  
老年尙復此風波一官應爲貧而仕五疇何時嘯也歌  
藝黍牽牛猶洗腆自憐歲月已蹉跎

卧龍岡懷諸葛忠武侯

抱膝吟梁甫幡然許此身君心雖在漢天意未亡秦倉  
卒三分鼎艱難一个臣草廬歸未得遺恨入松筠

襄陽道中

殘夜月猶明征鞭入古城露寒衣袖影風送馬蹄聲流水將愁去青山伴客行羊公遺石在猶有淚縱橫

宜城道中

野田漠漠曉烟勻蕎麥花開白似銀立馬橋頭看秋色青山無數送行人

所見

數家茅屋青山下一抹斜陽疎柳邊此是荆關眞粉本行人小立斷橋前

石橋驛四鼓山行

瘦馬上危坡一俯復一仰磴古石破碎戛戛蹄聲響涼

露洗秋月澄澈見萬象羣峯自逶迤指讓紛下上回首  
望漢江脈脈平如掌夜氣肅清寒平原何蒼莽經旬事  
鞍馬碌碌苦塵網對此清心魂悠然結幽想

惟苞二兄奉家 母由長江赴桂陽間將取道洞  
庭乃浮湘水至鎮遠作此寄之

聞挂長江席還乘湘水流秋風洞庭樹落日岳陽樓俯  
仰悲前事登臨足壯遊猿聲啼太苦莫上木蘭舟  
若問行人處征帆下獎州爲陳遊子健無塵老人憂絕  
域天多雨蠻鄉草不秋滇南行且近聊以快吾遊

觀漁



漁舟下上紛如織舉網江南復江北五侯秋漲羣魚來  
觸頰掛腮歸不得大魚垂頭尾戢戢小魚展轉困無力  
似聞衆哭聲啾啾此日網羅何太亟驚驚魚鷹何不仁  
猶向波間索魚食寸鱗入口不得吞空自佐人作殘賊  
聖朝方宏開網仁爾輩不念生物德江湖處處多漁舟  
嗚呼魚兮將安適

### 重陽

征途將萬里節序已重陽搖落秋爲氣參差菊有芳歸  
心託鴻雁鄉思入瀟湘時家  
眷屬皆在楚強欲登高去愁來  
不可忘

沅江石歌

昔歲曾觀建溪石奇險當時傳第一今茲觀石沅江湄  
險不如前奇倍之大石礚礚連數晦曲折玲瓏瘦而透  
風聲斜入笙鐘酣浪花直噴蛟龍走衣冠劒佩偉丈夫  
昂昂旅立羣走趨百萬軍中擁大將劒戟戈矛森相向  
藍鬚細作鬚鬚文千朵萬朵飛青雲槎牙如鋸隆隆起  
巨獸臨江礪牙齒或如貪婪睨落日如輪怪首昂然出  
又如渴虹飲長川垂頭入水身蜿蜒連者奔馳若駿馬  
亞夫金鼓從天下孤者削立若浮圖瞿曇面壁骨相癯  
一一天工勞意匠出險掇奇筆難狀當年若遇米襄陽

再拜定呼丈人行天與汝才不與地千古蠻鄉長棄置  
嗚呼石兮將奈何古今恨事何其多

烏龍箐至黃土坡

烏龍箐黃土坡泥濘路滑我勞如何青山數轉故鄉不  
見我心如雲一日千變雲兮何依東泊西飛昔隨父  
去今載棺歸

舟夜

空江一舟行杳不聞人語但見兩岸間流螢若飛雨灘  
浪吼蛟龍崖石立豺虎溪林風蕭蕭燦忽閃陰炬起立  
忽茫然徘徊仍四顧吾生亦何勞十年事羈旅雲水遠

蒼茫今宵宿何處

沅江之岸有山創立狀特怪偉未知何名也爲詩

紀之

大江東來山中絕石壁屹立如削鐵乘風似欲飛渡江  
回頭却與諸山別帝遣巨靈鑿其骨玉勒金羈相係縶  
盤盤奇氣鬱不洩怒目眈眈睨秋月散作陂陀千萬折  
歪入水中凹復凸倒障江流噴飛雪千年萬年鬪不歇

南昌襟感

滕王高閣上千古此江波羸得登臨客愁心爾許多  
一序已千古奇文甯貴多閻公不可作其奈子安何

忼慨陳封事吾嘉梅子真漢庭盛經術張孔爾何人

一載南昌守親臣竟不終廖湯知不恨歎息莫莫封

謂朱

正文

誓師樟樹鎮喋血鄱陽湖組練知多少奇功出腐儒  
李劉嬰叛黨蹇夏號功臣爲問文皇帝何如甯庶人

鄱陽湖

泛舟彭蠡澤晞髮大姑山地勢分三楚江流會百蠻蒼  
茫隔雲水涕淚望鄉關殘臘行將盡征人猶未還

彭澤懷陶靖節

先生亦作令於世豈忘情偶以督郵去遂傳處士名雲

霄孤鶴唳風雨一雞鳴想見東籬下滄桑感未平

安慶謁余忠宣公墓

石人拖動黃河岸汝潁斬黃先作亂二十四郡無平原  
守臣望風如鼠竄誰歟健者忠宣公孤城血戰波濤中  
江淮蔽障豈敢必尺寸亦以完吾忠清水塘邊公死處  
血化爲燐香入土墓門松柏風蕭蕭行人淚滴秋江雨  
同志惟聞秦與李元室科名三人耳皖城何似石頭城  
千載寧爲袁粲死太僕當年最有名可憐國史竟無成  
寺僧眞悞乃公事白髮興朝聞履聲

除夕

忍痛遂終古倫生已一年幾時間鯉對無計卜牛眠白  
髮悲慈母青燈學老禪今宵有歸寢應在澧湘邊  
過定遠有懷明初諸功臣因思漢高能留平勃以  
安劉氏而明祖於胡藍之獄股肱盡矣北平兵  
起悔之何及

已見韓彭醢還聞歌大風金陵飛燕子何處覓良弓

袁孟勤先生先君官虞城時所賓禮者也爲賦  
高士行今先生墓木已拱而先君亦棄不孝  
逝矣甲午過虞令嗣心箴以先生遺像索題展  
卷泣然書此

不見君山二十年老成風範尙依然重吟高士行千遍  
風雨滾林泣杜鵑

李司隸墓

太學諸生競顧廚龍門聲價冠東都桓靈有恨生何益  
陳寶無謀計本迂空以清言維漢鼎可憐天子制家奴  
北邙螢火星飛夜地下忠魂知也無

許昌懷古

黃巾灌汜日紛紛百戰方成再造勳千載逆名齊莽卓  
當年霸業等桓文勢如騎虎知難下占曰亢龍想未聞  
聚鐵六州真鑄錯何如終作漢將軍



卧龍岡謁忠武侯祠

管樂功名未足奇先生學術亞皋夔  
草廬已定三分鼎  
蜀道猶勤六出師  
相業何曾非將畧  
人謀原不敵天時  
千秋祠廟空山裏  
後死茫茫更有誰

襄陽禱詩

估客如雲泊大隄  
更無人唱白銅鞮  
惟餘一片秋江月  
曾見山公倒接羅

湖山燈火賈平章  
六載樊城作戰場  
誰使將軍斬一死  
襄陽不得比睢陽

自漢江泛小河下隄口

碧波瀾瀾夕陽斜垂柳陰中踏水車一曲村歌數聲鼓  
晚風吹動白蘋花

舟過洞庭風力甚勁遂抵武昌登黃鶴樓

萬里長風送客舟片雲飛過洞庭秋青山遙見漢陽樹  
落日還登黃鶴樓浩浩人聲鴉鵲鬧滔滔江水古今流  
神仙富貴皆何在千載猶聞鸚鵡洲

雪後

幽居激清賞拭目層臺上千里色皓然天地何超曠

澹靜齋詩鈔卷之一終